

海獭 至正《四明续志》：大如狗，脚下有皮如人胼拇，毛著水不濡，生海壖。

貉 至正《四明续志》：貉逾汶则不生，地气使然也。今二州四县以皮赋。

杜部鱼 成化《四明郡志》：出溪河，长四、五寸。

石首鱼 《能改斋漫录》：两浙有鱼名石首，云是明州来，问人以石首之名，皆不能言。余读张勃《吴录》，载：吴有石首鱼，至秋化为冠鳧，头中有石。《岭表录异》：石首鱼状如鳊鱼，随其小大，脑中有一石子如荞麦，莹如白玉。《海族志》：腹中膘可作胶。成化《四明郡志》：石首鱼首有魮，细如牙，坚如石，故名石首。腊月则韧皮为良。三月、八月，味次之。孟夏之交，缘海之民以巨艘小舫竞入洋山海中捕取，潮汛往来有限，谓之洋山鱼。

春鱼 成化《四明郡志》：形似石首而小，每春三月，业海渔人竞以舟载竹莆出海捕之，名曰捉春；冬月莆中得者，名曰莆春。

梅鱼 《海味索隐》：鳊鱼、黄鱼各有一种，肉与味亦自不同。即如吾郡梅鱼，比黄鱼极小，肉与味正相似，闽中呼为小黄鱼，其鳞色灿烂金星，如大黄鱼也，然又各自一种。今合鳊鱼为一种，误矣。

鰓鱼 天启《慈谿县志》：鰓身多刺，长不过五、六寸，肥腴可食。晋虞肃父答晋帝云“天时尚温鰓未熟”是也。至正《四明续志》：鰓鱼，又曰刀鱼，头狭薄，其腹皆如刀刃，故名。其长大者可尺余，子多而肥。明州人夏初曝干，可以致远。又可为鲈，其子干名寸金鲮子。又云：糟之可作汤。嘉靖《宁波府志》：青鰓冬月尤美。海错之佳者，产奉化。

箭鱼 成化《四明郡志》：即江湖鲋鱼，海出者最大，甘肥异常。

箬鱼 成化《四明郡志》：其形似箬，生海中，极大，名鰓鳗。

规鱼 《补笔谈》：鰓鱼、吹肚鱼，非《本草》所载河豚。规鱼，浙东人所呼，其生海中者腹上有刺，名海规。吹肚，南人通言之，以其腹胀如吹也。

魮鱼 至正《四明续志》：形圆似扇，无鳞，色紫黑，口在腹下，